

Hiburu Hiburu mar kura Yesu nurd untin hitte asan katin

Al Kurun Urmin Yesube kurun wor po

¹ Bikkenbe Al Kurun belen asininin yago mere yire yenbe mere basan marmun porofet wawun budamde yad yerke wan asininin yago mere yirde hinhan. Goyenterbe porofet gore asininin yago daha mat bebak tiwon yen mere yird yird belnen kurayen kurayen mat mere yirde hinhan.

² Goyenbe kun kun nalu funan belen hen hikeb Al Kurun belen Urmin ten kerke katenbe Al Kurunyen mere momon diryin. Yenbe det kurun gate min al hiyyen yen Al Kurun belen basina iryin. Irdeb Urmin goyen hitte mat naninya megenya kurun goyen yiryin.

³ Yenbe Al Kurunyen denem turnun yan wor po goyen kawan forok irde hi. Irde Al Kurunbe al dahade wor po goyen Urmin hitte matbe kenkelak wor po kenen bebak ten hityen. Irdeb Urmin gote merebe tonnen yan wor po geb, naninya megenya irde det kurun gayen monde po yekeb tumnan gasunenyan po han. Yenbe alya bereyat mata bulunmin halde yunen yunen meten pasi irdeb Al Kurun saninmin kurun wor po goyen hitte hurkun hanin yase belen mat keperde Doyan Al Kurun hirin.

Yesube Al Kurunyen miyon gote folek

⁴ Al gobe Al Kurun belen ‘Urne’ inyiñ. Munan miyonminbe “meten marne” yinyiñ. Niñgeb Urminbe Al Kurunyen miyon buda kurun gote folek wor po.

⁵ Gobe Al Kurun belen yen ge amanen nurde unen hiyen geb, gogo gwaha iryiñ. Niñgeb goke tenbe Al Kurun belen gaha inyiñ:

“Gebe Urne wor po haha. Irkeb hanƙab nebe Adoge wor po hihim,” inyiñ. *Tikiñ 2:7*

Irde mere kurabe gahade:

“Nebe Naniñ hemekeb yenbe Urne hiyyen,” yiriñ.

2 Samuel 7:14

Mere gobe Al Kurun belen miyonmin kura goke ma yiriñ.

⁶ Irde Al Kurunbe Urmin unƙuren mun goyen megen niñ alya bereyat Doyan Al Kurun iryiñ goke tenbe Urne Mataliñ inyiñ. Niñgeb Urmin Mataliñ goyen megen gar ten kerke wayen tikeyab Urmin goke yiriñ goyen asanminde gahade katiñ hi:

“Al Kurunyen miyon kurun gayen tumnan yen dolon irde hinayiñ,” yitiñ hi. *Tikiñ 2:7; 89:26-27*

⁷ Irdeb Al Kurun diliñde miyonminbe Urmin yara mon geb, goke asanminde gahade katiñ hi:

“Al Kurunyen meten mar miyonminbe meremin po gama irde han.

Niñgeb Al Kurun belen mene yire yenbe mene yiryen, munan kak melak uliñ po yire yenbe gwahade po yiryen,” yiriñ. *Tikiñ 104:4*

⁸ Goyenpoga Urmin gokeb asanminde gahade katiñ hi:

“Al Kurun, ge belen alya bereyage doyan yirde ha gobe hubu ma hiyyen, gwahader hiyen.
Irde doyan yirde henyabe mata huwak mat po doyan yirde hayin.

⁹ Gebe mata huwak nin amanen nurdeb mata bulun ninbe bege ar yen hiyen.

Goke tenbe gere Al Kurun belen basina girde al denem yan wor po gire yen olip fimin ten tonanger wok iryin.

Irkeb goke amanen wor po nurarin.

Goyenbe kadge yago kurabe gwahade ma iryin,”
yitin hi. *Tikin 45:6-7*

¹⁰ Irdeb,

“Doyan Al Kurun, hankarya wor po det kurun gayen forok yemin monde megen ga kerarin. Nan kin wor gigen irarin.

¹¹ Det megen ninya nan kinde ninya kurun gabe bulun henayin. Gega gebe huginen hayin.

Det kurun gabe amil bida hen erek yenayin go gwahade goyen po, bulun henayin.

¹² Al kura ulinhormin bidak mupi yirde yemeyde han yen go gwahade goyen po, det kurun gayen kun kun bulun heke yemeyayin.

Irde amil gergen ten amil bidak gote gasunende kerde han yen go gwahade goyen po,

det kurun gayen wor bulun heke kame det gergen belen gasunmin yawarnayin.

Goyenbe gebe gwahader hayen geb, gwahade po hayin,” yitin hi. *Tikin 102:25-27*

¹³ Al Kurunbe miyonmin kura goke mere gahade mun kura ma iryin:

“Wan ketalner hen al denem yan wor po hawayin.

Irkeb asogo girde hañ mar goyen bul yirde yawan gasa yirmeke katkeb yufurka tiyayin,” yitin hi. *Tikin*

110:1

¹⁴ Miyonmin gobe alya bereya Al Kurunyen dirnen wen henbe kame yenya hinayin mar goyen faran yurde hinayin yen yiryin.

2

Al Kurunyen mere kenkela bebak titek

¹ Niñgeb nenbe saba fudinde nurde hinhet goyen kenkela wor po tanarde go po gama irde hitek. Monjo soñ hen saba fudinde goyen tubul ten saba hoyan gama irtek geb.

² Al Kurunyen saba miyonmin belen basan hen asininin yago yuntin gobe saba fudinde geb, al kura sabamin walkaka irde gama ma iramin marbe mata bulunmin gote murungem bulun yawartek goyen po yawaramin.

³ Saba gobe bikkek gega, pel irde kanduk kenen hinhan. Niñgeb saba gergen Doyan Al Kuruninin Yesu belen tagalyin gobe saba bikkek gote folek geb, saba gergen goyen pel irtekbe daha mat Al Kurunyen bearar goyen fole irtek? Epte mon. Niñgeb gago sabamin kenkela nurde gama irde hinayin dinen hime. Saba gergen gobe Al Kurun belen mata bulunde mat dumulgan tiyen yen Doyan Al Kuruninin belen yingen wa tagalyin. Irdeb sabamin yingen kirminde nuramin mar belen basan hen fudinde yen momon diramin.

⁴ Irde saba gergen gobe fudinde goyen alya bereya yikala yire yenbe Al Kurun belen mata

tiñeñ turnuñ yañ wor po kurayen kurayen forok yirde hinhin. Irde alya bereyamiñ Holi Spirityen tareñde mata teñ teñ goyen yuneñ yeñ nurde hinhin mar goyen yuneñ tukuñ hinhin.

Yesube neñ farañ durd durd al wor po hiriñ

⁵ Be, neñbe alya bereya beleñ Al Kurunya heñ heñ mata gergeñ goyen goke mere teñ hite gago. Al Kurunbe alya bereya yenya heñ heñ mata gergeñ forok yiyyeñ goyen doyañ irtek al kura basaña iriyiñ. Goyenbe miyoñmiñ gwahade kura ma basaña iriyiñ.

⁶ Goke teñbe Al Kurunyen asañde kurar kurabe gahade katiñ hi:

“Megen niñ marbe al denem miñmoñ wor po.

Gega gebe yeñ ge nurdkakala wor po yirde hayen.

Megen niñ alyen dirneñ weñ gabe al denem miñmoñ.

Gega gebe keñkela doyañ yirde hayen.

⁷ Ge beleñ al yirdeb tareñ manañ yunariñ.

Gega alyen sañiñbe miyoñger tareñ gote bande heñ irariñ.

Gega mel goyenbe deñe turnuñ yañ yunariñ, irde al denem yañ wor po yirariñ.

⁸ Irdeb det kurun gayen yeñ yufukde yerariñ,” gwahade yitiñ. *Tikiñ 8:4-6*

Fudinde wor po, Al Kurun beleñ det kurun gayen alyen yufukde yiryiñyabe det muñ kura ma tubul tiyyiñ. Tumñañ yerde pasi iriyiñ. Goyenbe hanka gabe det kurun gayen alyen yufukde ma hiñe yeneñ hityen.

⁹ Niṅgeb goke teṅbe Yesu niṅ dufay heṅ hite. Yeṅbe nalu dolfonde po megen niṅ al hirinṅ. Irde yeṅ wor Al Kurunṅyen miyonṅ gote tareṅ bande tirinṅ. Irde neṅ ge teṅ kanduk teṅbe kamyinṅ geb, Al Kurunṅ belenṅ isanṅ heṅbe teṅ deṅem turunṅ yanṅ irde al deṅem yanṅ wor po iryinṅ. Fudinde, Al Kurunṅ belenṅ neṅ megen niṅ mar niṅ buninṅenṅ nurde iginṅ iginṅ diryinṅ geb, gogo Yesu belenṅ neṅ tumṅanṅ gake kamyinṅ.

¹⁰ Al Kurunṅbe megenya nanṅkinya irde det kurunṅ gate miṅ al. Yeṅ belenṅ po ga det tumṅanṅ kurunṅ gayen yirde doyanṅ yirde hi. Yeṅbe alya bereya budam dirṅenṅ weṅ yirde sanṅinṅmiṅ turunṅ yanṅ bana yukunṅ yukunṅ niṅ nuryinṅ. Goke teṅbe Yesu teṅ kerke katyinṅ. Niṅgeb gogo kanduk karkuwanṅ karkuwanṅ yinyinṅ. Al Kurunṅbe gwaha mat Yesu goyen alya bereya mata bulunṅminṅde mat Al Kurunṅ hitte yumulganṅ teṅ teṅ metenṅ kenkela po titek al wor po iryinṅ. Al Kurunṅ belenṅ gwahade iryinṅ gobe huwak wor po.

¹¹ Yesube gwahade geb, yeṅ belenṅ alya bereya mata bulunṅmiṅ halde wukkenṅ yiryinṅ marya yinṅenya goyen Naniṅbe unṅkurenṅ po. Niṅgeb Yesu belenṅ Al Kurunṅ dirṅenṅ weṅ hitinṅ mar goyen dine yago yinenṅ yinenṅ niṅ memyak ma nurde hiyen.

¹² Yesu belenṅ gwahade nurde hiyen goke Al Kurunṅ mere iryinṅ goyen asanṅminṅde gahade katinṅ hi:

“Alya bereya gama nirde hanṅ mar, dine yago goyen ge niṅ momonṅ yirenṅ.
Mel go gabu irde hanṅde gor kunṅ dilinṅ mar turunṅ girde tikinṅ hewenṅ,” yitinṅ hi. *Tikinṅ 22:22*

13 Irdeb, “Nebe Al Kurunj niŋ po hekkenj nurde heŋ,” yiriŋ.

Irdeb sopte, “Nebe diriŋne yago Al Kurunj belej nuntiŋ goya gago tumŋaŋ hite,” yitiŋ hi.
Aisaia 8:17-18

14 Goyenbe diriŋe weŋ gobe al darim yaŋ geb, Yesu wor bere belej kawaŋ kerke darim yaŋ hiriŋ. Al hiriŋ gobe yeŋ belej uliŋ misiŋ kateŋ kamkeb kamde kamde tareŋ Satan belej tanarde hitiŋ goyen hubu ireŋ yeŋbe gogo al hiriŋ.

15 Gogab alya bereya kamde kamde niŋ kafura heŋ hugiŋeŋ kafura dufay gore bili yirde hike kandukŋeŋ nurde haŋyen mar gobe gwahade ma nurde hipirkeŋ nurde hinayiŋ.

16 Fudinde, Yesube Al Kurunyen miyoŋ ma faraŋ yuryiŋ. Yeŋ faraŋ yurtiŋeŋbe Abrahamyen foŋeŋmiŋ yago faraŋ yuryiŋ.

17 Yeŋbe gwahade goyen po tiyeŋ yeŋ nurde hinhin geb, yeŋ wor neŋ megen niŋ al gahade hetek po hiriŋ. Gogab yeŋ belej Al Kurunj dolonj ird ird mata doyanj mar pris buda gote kurunjiŋ heŋ alya bereyat mata buluŋ halde yuneŋ yuneŋ niŋ dapŋa gasa yirde galak irde haŋyen yara yiŋgeŋ uliŋ pigiŋ goyen Al Kurunj galak irde kameŋ yeŋbe gogo al hiriŋ. Yeŋbe meten go teŋ heŋyabe alya bereya niŋ bunineŋ nurde hinhin, irde Al Kurunyen mere keŋkela po gama irde meten teŋ hinhin.

18 Yeŋbe uŋgura belej lom irke gote kandukbe gwahade yeŋ nurde hinhin geb, al kura uŋgura belej lom yiryen marbe igiŋ yeŋ belej faraŋ yuryen.

3

Yesube Mose gote folek

¹ Niñgeb, kadne yago, Al Kurun belen neñ hoy dirin gwahade goyen den wor hoy dirin geb, Al Kurun dilinde wukken wor po. Niñgeb dufaytinbe Yesu hende po irde hinayin. Yenbe Al Kurunyen mere basan al porofet, irde pris buda gote kurunmin fudinde wor po yen nurde tagalde hityen gogo.

² Yenbe hakot Mose belen Al Kurunyen dirnen wen Israel mar binde mat wor po yen ge nurde kenkela doyan yirde hinhin gwahade goyen po, Yesu wor Al Kurun belen meten unyin goyen kenkela po tiyyin.

³ Goyenbe Yesu denem turun yan hetek gobe Mose denem turun yan hitin gote folek wor po. Gobe al kura ya irke ya goyen turun irtinjenbe ya iryen al goyen turun irde hanjen go gwahade goyen.

⁴ Fudinde, yabe al belen yirde hanjen. Goyen-poga det kurun gabe Al Kurun belen yiryin.

⁵ Mosebe Al Kurunyen meten al henbe Al Kurun dirnen wen goyen binde mat wor po yen ge nurde kenkela faran yurde hinhin. Gwaha ten henyabe Al Kurun belen kame mere dahade tiyyen goyen goke tagalde hinhin.

⁶ Munan Yesu Kristube Al Kurun Urmin geb, Al Kurun dirnen wen goyen binde mat wor po yen ge nurde kenkela doyan yirde hiyen. Irdeb nenbe taren po hen Al Kurun belen kame gwaha diryen goke doyan hen hen goyen bada ma hetekbe yende dirnen wen wor po hetek.

Al Kurunɔ gama ird ird niɔ bada ma hetek

⁷ Niɔgeb Holi Spirit beɔeɔ gaha yiriɔ:

“Haɔka gayen Al Kurunɔyen mere nurde haɔ kenem

⁸ tonanɔtiɔ saɔiɔ ma irnayeɔ, irdeb meremiɔ nurde gama irde hinayeɔ.

Hakot deɔ Israel marte asetɔiɔ yago sawsawa po kurunɔ naɔa bana hinhanyabe

Al Kurunɔ tunanɔ urtek yeɔ tonanɔ saɔiɔ irde meremiɔ pel irde hinhan.

⁹ Bana goɔ kuɔ heɔyabe dama 40 gayen asetɔiɔ yagobe mata tiɔeɔ tununɔ yan wor po forok yirde hinhem goyen yeɔeɔ hinhan.

Gega tunanɔ nurde kurut nirde hinhan.

¹⁰ Goke teɔbe yeɔ ge bene ar yiriɔ.

Irdeb, ‘Mel gabe hugiɔeɔ det hoyan niɔ nurde ne niɔ ma nurde haɔ.

Irdeb matane ma keneɔ bebak teɔ haɔ,’ yimiriɔ.

¹¹ Niɔgeb goke bene ar yekeɔ, ‘Mel gabe nere usaɔ heɔ heɔ gasunɔ yunmiriɔde gor epte ma waɔ usaɔ heɔ igiɔ hinayeɔ,’ yeɔ masi tareɔ po timiriɔ,” gwaha yiriɔ.

¹² Niɔgeb, kadne yago, bitiɔde Al Kurunɔ gwahader hitiɔ goyen harhoktiɔ unteɔ dufay bulun kerde yeɔ ge dufaytiɔ tareɔ ird ird niɔ mananɔ bada henak geb, keɔkela po heɔ hinanɔ ko.

¹³ Gwahade hitek yeɔbe naɔa nalu “Haɔka” ineɔ hityen gayenter gabe deɔ tumnanɔ saɔiɔ heɔ heɔ ge hugiɔeɔ kadom faranɔ gurd teɔ hinayeɔ. Gogab mata bulun teɔ teɔ dufay gore epte ma bulun dirke tonanɔtiɔ tareɔ henayeɔ.

¹⁴ Irde meheɔde wor po Yesu Kristu niɔ dufayniniɔ tareɔ irtiriɔ goyen tubul ma teɔ saɔiɔ po

tanarde hitek. Kamde kamde nalu forok yiyyen gega, tareṅ po tanarde hitek. Gwaha titekbe Yesu Kristuya gabu heṅ Al Kurunyen metenṅ teṅ gote igineṅ igiṅ wor po goyen yenya gale heṅ yawartek.

¹⁵ Goke teṅbe Al Kurunyen asanḍe hayhay ga-hade dirtiṅ:

“Haṅka gayen Al Kurunyen mere nurde haṅ kenem
asetiṅ yago beṅbeṅ tiyamiṅ gwahade goyen tonanṅiṅ tareṅ ma irde meremiṅ nurde hinayiṅ,” yitiṅ. *Tikiṅ 95:7-8*

¹⁶ Be, hakotbe ganuṅ mar beṅbeṅ Al Kurunyen mere nurde hinhan gega, pel irde hinhan? Gobe Mose beṅbeṅ Isip nanḍare mat yade nanḍa hoyanḍe yukuriṅ mar gore teṅ hinhan.

¹⁷ Irdeb Al Kurunyen beṅbeṅ dama 40 gayen ganuṅ mar bearar yirde hinhin? Go mar gobe sawsawa po kurunyen nanḍa bana goṅ heṅya mata buluṅ teṅ kamde erek namiṅ mar goyen yirde hinhin.

¹⁸ Irdeb ganuṅ mar hitte wor po Al Kurunyen beṅbeṅ bearar hende biṅa teṅbe, “Mel gobe epte ma nere usaṅ gasunḍe waṅ usaṅ heṅ igiṅ henayiṅ,” yiriṅ? Mere gobe meremiṅ ma gama irde hinhan mar goke yiriṅ.

¹⁹ Niṅgeb go mar gobe Al Kurunyen niṅ du-faymiṅ sanṅiṅ ma irde hinhan geb, Al Kurunyen usaṅ gasunḍe hurkuṅ hurkuṅ niṅ utaṅ yirke ma kwamiṅ gobe nurde hityen gogo.

4

Al Kurunyen alya bereyabe usaṅ heṅ tareṅ

henayin

¹ Niñgeb neñ wor kenkela heñ hitek. Al Kurun belen usan gasunmin neñ ge tubul ten biña tiyyin hi goyen neñ wor mongo epte ma bana gon hurkunin geb.

² Hakot asetin yagobe neñ belen Yesu nin yitin mere igin goyen tagalke nurde hityen gwahade goyen po, Al Kurunyen mere nurde hinnan. Goyenbe meremin go nurde fudinde yen dufaymin taren ma yiramin geb, yen hittebe min minmon iryin.

³ Niñgeb neñ dufayninin yen ge sanin irtin mar po ga yende usan gasunde igin hurkutek. Al Kurunbe megenya nanqinya det kurun gayen yirdeb usan gasun wor gitik irde ep iryin. Goyenbe yen ge dufaymin taren ma irtin mar goke Al Kurun belen asamindeb, “Nebe bearar tenbe, ‘Mel gobe epte ma wor po usan gasuner hurkunayin,’ yen biña tihim,” yirin.

⁴ Munan usan heñ heñ gokeb Al Kurunyen asan bana gon kurar kurabe gahade katin hi: “Al Kurunbe nana fay 6 gayen meten ten pasi wor po irde nana faymin 7debe usan hirin,” yitin hi.

⁵ Goyenbe meremin pel iramin mar goke asamin bana mere hoyan kurabe gahade hi: “Mel gobe epte ma nere usan gasunde hurkunayin,” yitin hi.

⁶ Niñgeb gwahade goyen po, Al Kurunyen usan gasunbe igin ala hurkunayin yen gitik irde ep irtin hinhin gega, hakot Israel marbe Al Kurunyen mere goyen igin ma nurde pel iramin geb, tunan ma usan gasunminde gor hurkamin.

⁷ Goyenbe naŋa nalu “Haŋka” inen hanjende nin alya bereya beley usaŋ gasunde hurkunayin yen dufaymin kirtin goyen goke kamebe Dewit inyin. Munan naŋa nalu “Haŋka” inen hanjende nin alya bereya gobe gayenter nin alya bereya nin yitin. Al Kurun beley Dewit inyin gobe asanminde gahade katin hi:

“Haŋka gayen Al Kurunyen mere nurde han kenem tonantin taren ma irde meremin nurde hinayin,” yitin. *Tikin 95:7-8*

⁸ Be, usaŋ gasun nin yen hime gobe Kenan megen Yosua beley Israel mar yukurin goke ma yen hime. Mel gore Kenan megende kun fudinde wor po usaŋ hamin manhan usaŋ gasun kun kun nalu hoyan goke Al Kurun beley Dewit momon ma irwon.

⁹ Ningeb usaŋ nalu Sabat fudinde wor pobe Kenan nanare kun keperamin gogo mon. Go nalu gobe Al Kurunyen alya bereyamin nin ten kame forok yetek hinhin.

¹⁰ Ningeb Al Kurun beley metenmin pasi irde usaŋ hirin gwahade goyen po, al kura Al Kurunyen usaŋ gasunde hurkunayin marbe tumnan usaŋ henayin.

¹¹ Ningeb nen tumnan usaŋ gasunde gor hurkun hurkun ninbe teninin ilhal ten kurut wor po yen hitek. Gogab Al Kurunyen mere pel irde hinhan mar gote mata ma gama irde hitek. Irdeb usaŋ gasunminde hurkun hurkun nin son ma hetek.

¹² Be, Al Kurunyen merebe mali mere yara mon, tonnen yan wor po. Mere gobe fulenare nin bidila kura misin kurhan kurhan yaltin

gote misin folek wor po. Niṅgeb kiṅkiniṅniniṅ yago yawaṅ tur yirtin teṅniniṅ karkuwaṅ goyen bidila gore walde, kiṅkiniṅniniṅ paten naṅgiram kawan irde hi gwahade goyen po, mere gobe dufayya mataya bininiṅ binde nin wor po goyen yade kawan yirde hiyen. Irdeb dufayniniṅya mataniniṅya igin ma bulun goyen dikala dirde hiyen.

¹³ Det kura Al Kurun diliṅde epte ma bana kunayin. Dawet Al Kurun belen yiryin gobe diliṅdebe kawan ala po han. Niṅgeb mata teṅ hityen kurun goyen unkuṅen mun kura yeṅ diliṅde epte ma bana kertek. Huwardeb mata teṅ hityen kurun goyen tumṅan kawan po momon irtek.

¹⁴ Goyenpoga Al Kurun Urmin Yesu, neṅ ge teṅ pris buda gote kurunmin hirin al gore Al Kurunyen gasunḡe gor heṅ faran durde hi. Niṅgeb yeṅ ge dufayniniṅ sanin irde goke tagalde hityen goyen tubul ma po titek.

¹⁵ Nende pris buda gote kurunmin megen gar hinhinyabe megen nin dufay bulun kurayen kurayen forok yeṅ lomlom dirde hanyen gwahade po, yeṅ wor lomlom irde hinhan. Goyenbe mata bulun mun kura ma tiyyin. Niṅgeb yeṅbe neṅ belen mata bulunḡe katen hityen belneṅbe damin goyen keṅkela nurde bunineṅ dirde hi.

¹⁶ Niṅgeb neṅbe Al Kurun belen gab bunineṅ dirde igin igin diryen yeṅ hekkeṅ nurdeb yeṅ hitte kuṅ kuṅ nin kafura ma heṅ hitek. Irkeb yeṅ belen bunineṅ dirde hiyeṅ. Gogab faran nin nurtekeb yeṅ belen bunineṅ nirde igin igin dirde faran durde hiyeṅ.

5

¹ Be, pris buda gote kurunmin hej hanjen kurun gobe Al Kurun belen Israel mar nin ten pris buda bana gon nin al kura basina yirde hikeb yen ge meten ten hanjen. Meten gobe yen belen ga tonan hej Al Kurunyen ya balem bana hurkun Al Kurun hitte det galak irde, almet mata bulun halde halde nin dapna gasa yirde Al Kurun nin kumga ten hanjen.

² Pris buda gote kurunmin wor megen nin al, mata bulunde igin kattek ala po han geb, bulun tihit yen ma nurdeya mata bulun ten han mar goyen yen belen kwep kwep ma yirde bekkende mere yirtek po hinayin.

³ Goke tenbe al hoyande mata bulun halde halde nin po ma Al Kurun dapna kumga ten galak irde hanjen. Yingen de mata bulun nin manan nurde gwaha ten hanjen.

⁴ Be, al kura denne yan hewe yen epte ma pris buda gote kurunmin hiyyen. Yenbe Al Kurun belen Aron basina iryin gwahade goyen po irke gab pris buda gote kurunmin hiyyen.

⁵ Ningeb Yesu Kristu wor yingen denne turun yan hewe yen pris buda gote kurunmin ma hirin. Gwahade yarabe yen ge amanen nurdeb, “Gebe Urne wor po haha. Irke han kabe nebe Adoge wor po hihim,” yirin al Al Kurun goreb pris buda gote kurunmin iryin.

⁶ Irdeb meremin kurar kurabe, “Gebe Melkisedekyen minde nin al henbe huginen pris hayin,” inyin.

⁷ Be, Yesube gwahade geb, megen gar hinhinyabe alya bereya nin buninen nurde esen

henya Al Kurunḡ gusunḡan irde hinhin. Yenḡbe Al Kurunḡ palap irde mereminḡ gama irde hinhin geb, gusunḡanminḡ goyen wol hiriḡ. Al Kurunḡbe Yesu go kamde kamde mata fole irtek tareḡ iḡin untek hinhin.

⁸ Be, Yesube Al Kurunḡ Urminḡ gega, kanduk kurayen kurayen yenenḡ hinhinde gor matbe Naniḡde mere nurde gama ird ird matabe gahade yenḡ bebak tiyyinḡ.

⁹ Gwaha matbe Naniḡde mere gama ird ird mata goyen kura munḡ soḡ ma hiriḡ. Kenḡkela wor po gama iryiḡ. Niḡgeb alya bereya mereminḡ gama irde haḡ mar goyen tumḡanḡ yumulḡanḡ tike Al Kurunya hugiḡenḡ hinayiḡ gote minḡ al hiriḡ.

¹⁰ Irkeb Al Kurunḡ belenḡ Melkisedekyen minḡde niḡ al irdeb pris buda gote kurunḡminḡ iryiḡ.

Dufaytiḡbe diriḡ kalak yara ma henayiḡ

¹¹ Be, Yesu belenḡ Melkisedekyen minḡde niḡ al heḡ pris buda gote kurunḡminḡ hiriḡ goke momonḡ dirtek mere gobe budam po haḡ. Goyenbe denḡbe araḡ ma bebak tenḡ haḡ geb, mere dird dird gobe metenḡenḡ wor po.

¹² Denḡbe Yesu niḡ dufaytiḡ tareḡ iraminḡ, irde dama ulyaḡde kutiḡ geb, gaha naḡabe al hoyanḡ saba yird yird mar hewonḡ. Goyenbe Al Kurunḡyen mere tiḡenya nuraminḡ go gwahade po, al belenḡ po ga saba dirtek haḡ. Niḡgeb denḡbe diriḡ kalak mamu po nene biḡge saḡiḡ ma nene hanḡyen go gwahade yara haḡ.

¹³ Al gwahade kura saba tiḡenya nuraminḡ goyen po nurde haḡ marbe diriḡ besare niḡ mamu po nene haḡ go gwahade goyen. Niḡgeb

mata daminbe Al Kurun diliŋde huwak goyen kenkela ma bebak ten hanjen.

¹⁴ Munan Al Kurun nin heken nurde taren po han mar gote sababe al parguwakyen binje taren go gwahade goyen. Niŋgeb al gwahade gobe saba goyen nurde gama irde gab mata iginja bulunya kenkela yenen bebak ten mata igin ten ten nin po kurut yen hanjen.

6

¹ Niŋgeb mehenđe wor po den tinjenja Yesu Kristu nin saba dirke nuramin goyenter po sopte mulgan hen teban ma ten hitek. Gobe bada po hen Yesu gama ird ird matare parguwak hen hen saba goke po nurtek. Munan saba tinjenja nurtirin goyenter po mulgan hetekbe ya irnin yen tola yimiytinđe po henbe ya pasi ma irtek go gwahade goyen. Niŋgeb Al Kurun tubul ten gisaw kutek mata bulun goyen yubul ten Al Kurun nin bitin mulgan hen hen mataya Al Kurun nin dufayninin sanin ird ird mataya gote sabare po ma hitek.

² Irde baptais ten ten mata, al hende han-ninin yerde Al Kurun gusunan ird ird mata, al kamtin kame huward huward gote sabayabe nalu funande al tumnan merere huwarnayin gote sababe Yesuyen alya bereya gayamun ga gergen han mar gote saba geb, saba goyenter po ma hitek.

³ Al Kurun belen igin yen nurdeb faran durkeb dirinde saba go yubul tenbe taren dird dird saba goyenter kutek.

4-6 Munan al kura Al Kurun belen dufaymin wuk irtin gega, Al Kurun harhok unyen al gobe Al Kurun Urmin goyen pel irde al hoyan dilin mar sukal irde sopte kuruse hende mayke kamyen go gwahade goyen. Niñgeb al gwahade gobe kame epte ma mata bulun go tubul ten Al Kurun hitte bin mulgan hiyyen. Niñgeb al kura Al Kurunyen taren titin, irde Holi Spirityen saninde mata ten ten manan nurtin, irdeb Al Kurunyen merebe igin yen binde mat kenkela bebak titin, irde Al Kurun belen alya bereyamin doyan ird ird gote taren kame wayyen go wor bikken kintin al gore Al Kurun harhok unyenbe epte ma mata bulun go tubul ten bin mulgan hiyyen.

7 Niñgeb megen kura kigarin katen bida irke binde igin wor po forok yeke meten min al belen yawaryen go gwahade goyen po, al kura Al Kurun belen det igin untin gote iginen igin wor po forok yirke al gobe guram irde taren iryen.

8 Munan megen gobe yamunya det hirwanen yan po forok yiryenbe megen igin mon geb, megen gote min al belen karan urde yasun ma tiyyen gwahade goyen po, al gwahade goyen wor Al Kurun belen bulun iryen.

9 Be, kadinin yago, gwaha mat hayhay dirde hite gabe den goyen mata goyenter ma kunayin yen nurde henya ga dinen hite. Denbe Al Kurun belen dumulgan titin han geb, kamebe huginen dawartek belen po han.

10 Fudinde, Al Kurunbe al kura po igin yirde kurabe bulun yirde ma yirde hiyen. Yenbe den belen yen ge meten kurun po ten han goke bin

sir ma yeŋ hiyen. Irde yeŋ ge amanen nurdeb alya bereyamin faran yurd yurd nin bada ma hen faran po yurde han goke wor bin sir ma yeŋ hiyen.

¹¹ Niŋgeb den kurun goyen kame Al Kurunyen det igin yawartek yeŋ doyan hen han goyen fudinde yawartek yeŋ megen gar henya kadin faran yurd yurd nin huginen kurut yeŋ hinayin yeŋ nurde hite.

¹² Irde asetin yago kura belen mata ten hinhan goyen den wor gwahade po ten hiwon yeŋ nurde hite. Mel gobe Al Kurun belen kame detmin dunen yeŋ bin titin goke hekken nurde tetewon po yeŋ doyan hen hen nin pinen ma hen hinhan. Niŋgeb den wor gwaha ten ten nin pinen ma hen hinayin.

Al Kurun belen bin tiyyin goke hekken nurtek

¹³ Be, asetin kura mata gwaha tiyyin albe Abraham. Al Kurun belen Abraham hitte bin tiyyinyabe al kura yeŋ folek kura hike den urde bin titek mon geb, yingen den urde bin tiyyin.

¹⁴ Bin tenyabe, “Fudinde wor po guram girde sanin giren. Niŋgeb fonenge yago budam forok yeŋ hinayin,” inyin.

¹⁵ Irkeb Abraham go mere gote iginen nin doyan hen hen ge pinen ma hen doyan po hen hinhan. Irdeb kun kun kame gabe Al Kurun belen inyin gwahade po forok yirin.

¹⁶ Be, albe kandukmin kura pasi irnin yenbe al hoyan kura yeŋ folek goyen den urde bin ten hanyen. Irkeb kanduk goke kadom mohan den hinayin gobe gogo po hubu hiyyen.

¹⁷ Niŋgeb Al Kurun wor yinŋen deŋe urde biŋa teŋ hinhin. Gogab Al Kurun beleŋ yeŋ ge teŋ biŋa tiyyiŋ mar gore Al Kurunbe dufaymiŋ hoyan ma irde hiyen goyen yeŋ beleŋ nurwon yeŋbe gogo yinŋen deŋe urde biŋa teŋ hinhin.

¹⁸ Niŋgeb biŋa kura tareŋ po ire yeŋbe yinŋen deŋe urde teŋ hiyen. Biŋa teŋ teŋ mata irawa Al Kurun beleŋ titiŋ gobe usi moŋ geb, sorkok ma hiyyen. Niŋgeb Al Kurun beleŋ detmiŋ igiŋ dunyen yeŋ nurde goke doyan hiniŋ yeŋ mata bulun de mat busaharde Al Kurun hitte watiŋ mar neŋ gayenbe biŋa tiyyiŋ gore faran durde tareŋ diryen.

¹⁹ Niŋgeb Al Kurun beleŋ gwaha direŋ yeŋ biŋa tiyyiŋ goke hekken nurde doyan heŋ heŋ gobe anŋa temeyke hakwa tanarke unkurende po hiyen go gwahade, heŋ heŋniniŋ wor saŋiŋ po hiteke det kura beleŋ bulun dirtek ma hite. Al Kurun beleŋ gwahade diryen gobe Yesu hitte mat gwaha diryen yeŋ nurde neŋbe Yesu niŋ po nurde hite. Yeŋ beleŋbe Al Kurunyen ya balem bana gasun himam wor po amil tolok gore po pet titiŋ goyen fole irde Al Kurun diliŋ mar hurkuriŋ.

²⁰ Yeŋbe neŋ ge teŋ bikken bana goŋ yeŋ wa hurkuriŋ. Irdeb Melkisedekyen miŋde niŋ al heŋbe pris buda gote kurunmiŋ heŋ hugiŋen meten teŋ hi.

7

Pris buda gote kurunmiŋ Melkisedek

¹ Be, Melkisedek gobe Salem taun kurun goyenter niŋ doyan al kurun. Irdeb yeŋbe Al Kurun

tarenmiş hende wor po goyen doloň ird ird mata doyaň al. Yeňbe hakot Abraham beleň fulenäre kuň naňa hoyande niň doyaň mar karkuwaň gasa yirke busaharkeb detmiş yade mulgaň heň wakeb guram irde taren ıryiň.

² Irkeb Abraham beleň fulenäre kuň dawet yawaryiň kurun goyen pota yirde buda 10 yirdeb buda unkenbe yeň unyiň. Deň Melkisedek gote miňbe “Mata huwak teň teň doyaň al kurun.” Munan deňem kura “Salem niň doyaň al kurun” gote miňbe “Al biň yisikamde kamdere niň doyaň al kurun.”

³ Al gote milinya naninyabe gogo yeň ma po nurde hite. Irde asem yago miň gwaha mat kura watiň, irde kawaň hiriň naluya kamiyini naluya wor bebakken moň. Yeňbe Al Kurun Urmiň yara, hugiňeň Al Kurun doloň ird ird mata doyaň al hitiň.

⁴ Niňgeb al gobe al dahade wor po yeň dufay henayiň. Yeňbe al deňem turun yaň wor po geb, asetini Abraham deň beleň deňem yaň ineni hanyen gore wor fulenäre kuň dawet yawaryiň goyen yawaň pota irde buda 10 yirde buda unkenbe yeň unyiň.

⁵ Gayenterbe Moseyen sabare yitini gwahade po al dawetini yadeb buda 10 yirdeb buda unkenbe Liwai miñde niň mar pris hitini goyen yunen hanyen. Liwai marbe Israel mar bana goň niň po gega, Israel mar bana goň hoyanbe Moseyen sabare yitini goyen po gama irde detini goyen buda 10 yirde buda unkenbe yeň yunen hanyen.

⁶ Goyenpoga Melkisedekbe Liwai minde nin al mon gega, Abraham belen detmin buda 10 yirde buda unjkurenbe unyin. Irkeb Al Kurun belen yen hitte bin tiyyin al Abraham goyen Melkisedek belen guram irde sanin iryin.

⁷ Nin geb al kura taren minyan belenbe al hoyan tarenmin bande goyen guram yirde sanin yirde hanen gobe nurde han gogo.

⁸ Liwai mar pris hitin gobe al po geb kamnain gega, Israel mar belen detmin pota irde buda unjkuren yunen hanen. Goyenpoga Al Kurunyen asande Melkisedekbe kamiyin mon yitin al goyen Abraham belen detmin pota irde buda unjkuren unyin. Nin geb Melkisedekbe Liwai mar pris hitin gote folek.

⁹⁻¹⁰ Irde hakotbe Liwai mar ma forok yekeya Melkisedek belen Liwai mar gote asem Abraham kinyin. Goya goyenbe Abraham belen detmin buda 10 yirde buda unjkurenbe Melkisedek unyin. Nin geb Abraham belen go tiyyin gobe asem wen Liwai mar belen Melkisedek untin yara hirin.

¹¹ Be, bikken Israel marbe Moseyen saba tamin. Irde Moseyen sabarebe Liwai mar belen pris meten ten hinain yitin. Goyenbe go meten ten hinhan gore alya bereyat mata bulun halde pasi ma irde hinhan. Halde pasi irde hinhan manhan Al Kurun belen Liwai marte fonen kura Aronyen minde nin al po meten goyen unwon. Gega gwahade mon geb, al min hoyan Melkisedekyen minde nin al gore wan pris meten tiyyen yen nurde hinhin.

¹²⁻¹⁴ Be, pris hoyan wayyen goke yen hityen al gobe Liwai mar al mon. Al gote minde nin

marbe Al Kurunyen ya balem bana altare hen Al Kurun doloŋ ird ird mata go ma ten hanjen. Gobe Doyaŋ Al Kurunnininbe Yudayen minde mat wayyin goke yen hime. Gega Mosebe pris metenbe Yudayen minde nin al belen ten hinayin yen ma tagalde hinhin. Goyenbe Liwai mar al moŋ Yesu gore waŋ pris meten goyen tekeb Moseyen saba bikkek gote gasuŋ manaŋ saba gergen belen tirin.

Pris gergenbe pris bikkek gote folek

¹⁵ Be, saba gergen gore Moseyen saba bikkek gote gasuŋ ten ten gote minbe pris hoyan kura Melkisedek yara gore forok yekeb kenkela wor po kawan forok yirin.

¹⁶ Al gore pris hirin gobe Israel marte asemde saba bikkek bana goŋ yitin go ma gama iryin. Gwaha irtinbe huginen hen hen gote tarende pris hirin. Huginen hen hen gobe epte ma det kura belen bulun irtek hi.

¹⁷ Ningeb pris hirin al goke tenbe Al Kurunyen asande gahade katin hi:

“Gebe Melkisedekyen minde nin al hen huginen pris hayin,” yitin. *Tikin 110:4*

¹⁸ Ningeb gwahade goyen po, saba bikkek gore gwaha gwaha tinayin yitin gobe taren minmon, irde gore faran durtek epte moŋ geb, Al Kurun belen saba bikkek goyen ten sinak belen kiryin.

¹⁹ Fudinde, Moseyen saba goreb epte ma det kura Al Kurun dilinde wukkeek iryen. Ningeb Al Kurun belen saba gergen igin wor po, Moseyen saba bikkek gote folek goyen dunyin. Ningeb

nenbe saba gergen goyen gama irde Al Kurun bindere igin kutek.

²⁰ Yesu Kristu pris meten unyin gobe bikken Al Kurun belen yingen deŋe urde biŋa tiyyin go po gama irde pris iryin. Goyenbe pris hoyan gokeb biŋa kura ma tiyyin.

²¹ Yesu belen pris hirin goke mun po Al Kurun belen asanminde gaha yirin:

“Doyan Al Kurun belen biŋa tenbe, ‘Gebe huginen pris hayin,’ inyin.

Irdeb meremin goyen tubul ma tiyyen,” yirin.

Tikin 110:4

²² Ningeb Al Kurun belen yingen deŋe urde biŋa tiyyin goke tenbe Yesu goyen Al Kurun belen alya bereyamin hitte biŋa gergen tiyyin gote iginen fudinde wor po forok irtek al iryin. Al Kurun belen biŋa gergen tiyyin gobe biŋa bikkek gote folek wor po.

²³ Be, Liwai marbe pris meten go ten hinhan gega, yenbe al geb kamde kun hinhan. Irkeb Liwai mar hoyan belen meten goyen ten hinhan.

²⁴ Gega Yesube gwahader hiyen al geb, pris meten tiyyin gobe gwahader po ten hiyen.

²⁵ Yesube gwahade geb, Al Kurunya huginen haryen. Irde alya bereya faran yuri yen gusanan irde hiyen, irdeb kame wor gwahade po ten hiyen. Ningeb yen belen Al Kurun hitte kun kun belen kerd yunke yen hitte kun han mar goyen tumnan yade hiyen.

²⁶ Yesu gobe Al Kurun dilinde wukken wor po ulinde merem mon, irde mata bulun minmon. Al Kurun belen yenya mata bulun maryabe hoyan

mun wor po iriyin. Irdeb Al Kurun hire gorbe denem yan kurun wor po iriyin. Ningeb nenbe pris buda gote kurunmin gwahade gore faran durwon yen nurde hite.

²⁷ Liwai mar pris meten ten han mar gote karkuwanmin gobe yingen de mata bulun nin wa gise han ka Al Kurun galak irnin yen dapna gasa yirde kunga ten han yen. Gwaha ten gab al hoyande mata bulun nin wor gwaha po ten han yen. Goyenbe Yesube alya bereya megen han kurun gote mata bulun nin ten yingen Al Kurun galak irhem yen wawun un kuren gogo po kuruse hende kamyin. Irde sopte gwaha ma tiyyen.

²⁸ Be, Moseyen saba gama irde pris buda gote karkuwanmin hen han yen mar gobe mata bulun min yan. Goyenpoga Al Kurun belen yingen den urde bin tiyyin goyen gama irde pris hirin al Al Kurun Urmin gobe kenkela wor po pris meten goyen ten pasi iriyin.

8

Yesube pris buda gote kurunmin

¹ Be, mere gwahade ten hite gote min wor pobe gahade: nenbe pris buda gote kurunmin goyenninin yan hite. Yenbe Al Kurun saninmin hende wor po hitte hurkurin, irde Doyan Al Kurun hen ketalmin de hi.

² Irde gorbe gasun himamde hurkun Al Kurun dolon ird ird mata doyan irde hi. Gor nin gasun himam fudinde wor po gobe Doyan Al Kurun belen po ga irtin, megen gar nin mar belen ma irtin.

³ Be, megen niñ pris buda gote karkuwanñibe Al Kurun det galak irde dapña gasa yirde kumba ten doloñ ird ird meten niñ basina yirde meten goyen yunen hanjen. Niñgeb nende pris buda gote kurunñiñ Yesu wor det kura Al Kurun galak irtek go minyan po hiyen.

⁴ Munan megen garbe pris belen Moseyen sabare yitiñ go po gama irde det Al Kurun galak irde hanjen. Niñgeb Yesu gobe megen gar hi manhan pris ma hewon.

⁵ Goyenbe megen gar niñ prisbe Al Kurunyen ya balem megen hi bana gon hurkunbe Al Kurun doloñ irde hanjen. Ya balem megen hi gobe ya balem fudinde wor po Al Kurunyen gasunde hi gote tunanen po. Niñgeb Mose belen Al Kurun doloñ ird ird niñ sel ya ireñ tike Al Kurun belen, “Dugure gor geya henbe ya balem gikala girmin goyen kenkela po nurdeb go po gama irde sel ya goyen irayin,” inen bebak iryin.

⁶ Goyenpoga Yesube meten igin hoyan wor po goyen tiriñ. Metenñibe megen niñ pris belen saba bikkek gama irde meten ten hanjen gote folek wor po. Yesube alya bereyamin ge ten Al Kurun hitte kunbe Al Kurun belen biña gergen titiñ goyen taren po irde gote iginen forok irde hi. Al Kurun belen biña gergen titiñ gote iginenbe kurun, munan biña titiñ bikkek gote iginenbe kurun mon. Niñgeb Yesuyen metenbe gogo megen niñ prisyen meten folek wor po.

⁷ Be, Al Kurun belen hakot biña tiyyin goyen kenkelak wor po manhan sopte biña gergen ma tiwon.

⁸ Gega biña tiyyiñ bikkek goyen al belen kenkela ma gama irde hikeb Al Kurun belen yenenbe gaha yiriñ:

“Doyañ Al Kurun belen gaha yiriñ:

‘Nurnañ ko! Nalu kura forok yiyyen.

Goya goyenbe Israel marya Yuda marya hitte biña gergen tiyen.

⁹ Biña gergen tiyen gobe bikken asem yago Isip nanare mat yukun hinhem goyenter yen hitte biña timiriñ go gwahade moñ.

Go mar gobe biña tenya yinmiriñ goyen ma gama irde hinhan geb,

ne wor yenen wasak ten harhokne yunmiriñ,’ gwaha yiriñ.

¹⁰ Irde Doyañ Al Kurun belen sopte yiriñ.

‘Kame kurabe Israel mar hitte biña tenbe gaha yiren:

Dufaymiñde sabane kerde biñde kayen.

Irdeb nebe yende Al Kurun hewen, irke yenbe nere alya bereya henayiñ.

¹¹ Irdeb al denem yanya denem moña goyen tumnañ ne niñ nurde hinayiñ.

Niñgeb kadomya taynen yagoya kura goyen Doyañ Al Kurun nurd unnañ yen saba yirtek ma hinayiñ.

¹² Nebe mata bulunmiñ halde yunen.

Irdeb sopte mata bulunmiñ ge ma po nuren,
“gwaha yiriñ.” *Yeremaia 31:31-34*

¹³ Be, Al Kurun belen mere gwahade kurun tiyyiñ gobe “biña gergen” inyiñ. Irkeb hakot biña tiyyiñ gobe bulun hiriñ. Niñgeb biña bikkek gobe hen ga moñ bana kuyen.

9

Biŋa bikkekde niŋ mata

¹ Be, Al Kurun beŋ hakot Israel marte asem yagot dilinɗe biŋa kurun tiyyin go banabe Al Kurun doloŋ ird ird mata niŋ yitiŋ. Irde Al Kurunyen ya balem al beŋ irtiŋ goke manan yitiŋ.

² Al Kurunyen ya balem gobe sel po irtiŋ. Ya bana goŋ gasuŋ kurhan meheŋ beŋbe hulsi go hende yerde yusuŋ yurde hanŋen kutumya altaya kura gor hinaryum. Irkeb gise hanŋa alta go hende beret yerde hinhan. Det go hinhan gasuŋ gobe “Gasuŋ Himam” inen hanŋen.

³ Irde gasuŋ go harhokdebe “Gasuŋ Himam Wor Po,” inen hanŋen goyen hinhin. Gasuŋ iraw go kahaltebe amil tolok wor po gore gasuŋ iraw goyen kahalte giŋ yitiŋ hinhin.

⁴ Gasuŋ Himam Wor Po bana goŋbe det gahade hinhan: det hamin kusamuŋ Al Kurun niŋ kumga teŋ unen unen gasuŋ alta gol hora beŋ po irtiŋyabe Biŋa Teŋ Teŋ Bokisya.* Bokis go wor gol hora parwek halgayin wor po irde gore po aw urtiŋ goyen hinhin. Bokis go biŋ banabe hora beŋ kuwe dirneŋ irtiŋ go bindebe binŋe kura “mana” inen hanŋen goyen goŋ hinhin. Irde Aronyen genuŋ sopte ituŋ hitiŋ goyabe hora parwek irawaya Al Kurun beŋ sabamin kan Mose unyiŋ goyen Bokis binde goŋ hinhan.

* **9:4:** Gol alta det hamin miŋyaŋ kumga teŋ teŋ gasuŋ gobe amil Gasuŋ Himam Wor Po bana hurkun hurkun bindere wor po hinhin geb, gobe Gasuŋ Himam Wor Po binde hi yen nurde hinhan.

⁵ Al Kurunjen miyon denem Serubim yinen hanjen gote tonen irawabe Bokis gote awmin hende hen tapen yisan hitin hinaryum. Serubim gobe Al Kurun denem turnun yan wor po goyen kawan ird ird miyonmin. Goyenbe hankeb det kurun goke kenkela ma momon diren.

⁶ Be, ya bana gon nin dawet kurun gob gwahade po gasunenyan yirtin hikeb pris belen gasun himam mehende nin bana gon gise hanka hurkun Al Kurun dolon ird ird mata ten hinhan.

⁷ Gega damam damam wawun unjurende po pris buda gote kurunmin po ga gasun himam wor po bana gon hurkun hinhin. Goyenbe mali mali ma hurkun hinhin. Yingen de mata bulunya al hoyan belen ma nurde henya mata bulun titin goyen halde yunwon yen dapna dari goyen ten gasun himam wor po binde gon hurkun hinhin.

⁸ Pris belen gwaha ten hinhan gobe gasun himam mehende nin goyen minmon manhan Gasun Himam Wor Pore hurkun hurkun belen kawan forok yewon yen Holi Spirit belen dikala dirde hi.

⁹ Gasun himam mehende nin gobe gayenter nin mata gote tunanen. Pris belen Al Kurun dolon ird ird mata gama irde det galak irde dapna gasa yirde kunga ten hinhan gega, mata ten hinhan kurun gore mel gote bin goyen Al Kurun dilinde wukken ma yirde hinhin.

¹⁰ Al Kurun dolon ird ird mata bikkek gwaha ten hinhan marbe bingeya dapnaya irde feya daminbe igin netek munan daminbe epte ma netek gote saba gama irde hinhan. Irde yingen ulin sope yird yird mata kurayen kurayen po ten

hinhan. Al Kurun belen nalu kiryin goyen ma forok yen hikeyabe mata goyen po ten hinhan. Gega mata gobe bin wuk irde nin mon, ulin sope irde irde nin po ten hinhan.

Yesu Kristuyen dari

¹¹ Goyenbe Yesu Kristube mata igin bikken forok yitin gar han gote pris buda gote kurunmin hen wayyin. Irdeb gasun himam fudinde wor po wukke al belen ma irtin bana gon hurkurin. Gasun himam gote tarenminbe hoyan, megen hi gwahade mon, gote folek wor po. Gasun himam gobe megen gar ma hi.

¹² Be, yenbe nen ge ten Al Kurun hiyende gor gasun himam goyen bana hurkurin. Goyenbe wawun unkuende po hurkurin. Irde hurke yeny memeya bulmakaw dirnyat dari ma yade hurkurin. Gwahade yarabe dumulgan ten hugin Al Kurunyen alya bereya dire yen darim wok irde kuruse hende kamyin. Ningeb mata gwahade tiyyin goke Gasun Himam Wor Po bana darim ten hurkurin yihim gago.

¹³ Munan Al Kurun belen alyen mata bulun halde yunwon yenbe pris belen memeya bulmakawyat dariya, irde bulmakaw bere fonen kunga tike wor yitin tupimin goyen yade al heren yutirin ten hinhan. Irke goreb ulinde wukke yirde hinhin.

¹⁴ Gega Yesu Kristuyen daribe dapna dari gote folek. Yenbe mata bulun mun kuram mon. Ningeb Holi Spirit hugin hitin gote sanindebe yingen Al Kurun galak irhem yen kamyin. Ningeb darimin gore ulninin sinare ga po ma wuk iryin.

Ulniniya bininiya goyen tumṇaṇ halde wuk diriṇ. Gwahade niṅgeb Al Kurun tubul teṇ gisaw kutek mata bulunbe yubul po titek. Gogab Al Kurun gwahader hitiṇ go po gama irde yeṇ ge po meten teṇ hitek.

¹⁵ Goke tenbe Yesu Kristube alya bereyamin ge teṇ Al Kurun hitte kun Al Kurun belen biṇa gergen titiṇ goyen taren irde gote iginen forok ird ird al hiriṇ. Yeṇbe alya bereya Al Kurun belen hanṇapya biṇa tiyyiṇ goyen bana hen mata bulun teṇ hinhan goyen halde yunhem yeṇ kamiṇ. Gwahade geb alya bereya Al Kurun belen basiṇa yirde hoy yiriṇ marbe Al Kurun belen yunen yeṇ biṇa tiyyiṇ detmiṇ goyen yunyen. Irkeb Al Kurunya hugiṇen hinayiṇ.

¹⁶⁻¹⁷ Be, al kura kamen yeṇ nurdeyab diriṇmiṇmiṇ hitte kammeke gab gwaha gwaha tinayiṇ yinyen. Goyenbe mere tiyyen gobe kamke po gab diriṇen wen belen mere go gama irnayiṇ. Niṅgeb al kura kamen yenya mere titiṇ gobe al go kamke gab meremiṇ goyen pel ma irde yeṇ yiyyen go po gama irnayiṇ.

¹⁸ Gwahade goyen po bikken Al Kurun belen biṇa tiyyiṇ goyen Israel mar belen gama irnayiṇ yeṇbe al kamtiṇenbe Mose belen dapṇa gasa yirke kamamiṇ gogo.

¹⁹ Irdeb mehenḍe wor po Mose belen asanḍe Al Kurunya saba katiṇ kurun goyen al buda goyen kapyan hen yunyiṇ. Irde gab bulmakaw fonenya memeyat dari yade feya suluk yiriṇ. Irdeb sipsip wuyen bukken irtiṇ goya hisop he hanin yuwalṇen minyan goyen yadeb dariya feya suluk

irtin bana gon ulin yiryin. Irdeb Al Kurunyen mere katin asan go hende utirin ten alya bereya ulinde wor gwaha po yirde tukurin.

²⁰ Dari go utirin ten yunen henya, “Gabe saba den belen gama irnayin yen Al Kurun belen bina tiyyin goyen taren ird ird dari geb,” yinyin.

²¹ Irdeb yiryin gwahade po, ya balemya ya bana gon Al Kurun dolon ird irdde nin dawetya goyen heren wor utirin ten tukurin.

²² Moseyen sabareb det kura Al Kurun dilinde wukken irtekbe dari belen po gab wukken iryen yitin. Gwaha irtek detbe budam wor po. Ningeb dapna mayke dari wok yeke wor wor gab Al Kurun belen alya bereyat mata bulun halde yunyen yitin.

Yesu belen mata buluninin halde dunen yen darim wok irde kamyin

²³ Be, megen gar nin ya balemya det bana gon ninya kurun gobe Al Kurunyen gasunde gor nin tunanen po. Ningeb dapna dari gore gab igin halde wuk yiryen gega, Al Kurunyen gasunde nin ya balemya det bana gon niyabe dapna dari gore epte ma halde wuk yiryen. Dari kura dapna dari gote folek wor po gore gab epte halde wuk yiryen.

²⁴ Ningeb Yesu Kristu belen darimin wok irde kamyin. Yenbe gasun himam fudinde wor po gote tunanen megen gar hi al belen irtin bana gon ma hurkurin. Gwahade yarabe Al Kurun hitte hurkurin. Ningeb hanke gayenbe nen faran durd durd nin tenbe Al Kurun dilin mar hi.

²⁵ Munan megen nin pris buda gote kurunminbe yingen de dari mon, dapna dari goyen

yade damam damam gasuñ himam bana hurkuñ hiyen. Goyenbe Yesu Kristube yiñgeñ galak irde wawuñ budam ma kamyiñ.

²⁶ Wawuñ unñkureñ kamde alyen mata buluñ halde pasi ma iryiñ manhan Al Kurun beñ al yiryiñde mat mata buluñ halde halde niñ teñ megen gar wawuñ budam forok yeñbe uliñ misin kateñ kamde tebañ teñ hiwoñ. Goyenbe gwaha ma tiyyiñ. Gwaha titñeñbe mata buluñ halde pasi ird ird niñ Al Kurun hitte yiñgeñ galak irde kameñ yeñ nalu funañ beñ heñ hi gayenter megen gar wawuñ unñkureñ po forok yiriñ.

²⁷ Albe wawuñ unñkureñ po kamnayıñ, sopte ma kamnayıñ. Goyenbe go kamereb merere huwarke Al Kurun beñ al igiñ ma buluñ goyen pota yiryen.

²⁸ Niñgeb gwahade po Yesu Kristu manañ al budam gote mata buluñ yad siña yire yeñ wawuñ unñkureñ yiñgeñ Al Kurun galak irde kamyiñ. Irdeb kame sopte wayyen. Goyenbe goyenterbe alyen mata buluñ halde halde niñ ma wayyen. Gwaha titñeñbe yeñ ge doyañ heñ hañ mar yumulgañ teñ teñ niñ wayyen.

10

Saba bikkek gama irde Al Kurun galak irtek gobe miñ miñmoñ

¹ Be, Moseyen sababe det igiñ kura kame wanayıñ gote toneñ po, det fudinde Al Kurun hitte hañ goyen moñ. Niñgeb sabamiñ gama irde damam damam dapña gasa yirde Al Kurun doloñ ird ird mata goyen po teñ tebañ teñ hinayıñ

gega, mata goreb Al Kurun dolon irnin yenbe yen hitte wan han mar goyen epte ma mata bulunmin halde pasi iryen.

² Gwahade mon kenem saba bikkek gama irde Al Kurun galak irde han mar gobe goyare po huginen mata bulun minmon wukken hitin geb, mata bulun tihit yen matamin goke kanduknen ma nurwon. Irdeb saba bikkek gama irde Al Kurun galak ird ird mata goyen bada hewon.

³⁻⁴ Gega bulmakawya memeyat dari beben alyen mata bulun epte ma halde yuntek. Ningeb dapna gasa yirde darim goyen ten al heren utirin ten hanjen gobe mata bulunmin bebak yird yird meten po ten hi.

⁵ Ningeb Yesu Kristu megen gar wanbe Al Kurun gaha inyin:

“Gebe al beben ge nin ten dapna gasa yirde, det galak nirwon yen ma nurde hinhan.

Ningeb metenge ten ten nin ne gago al nirarin.

⁶ Gebe al beben dapna kunga ten galak girde, kurab mata bulun halde halde nin galak girde hanjen goke amanen ma nurde hinhan.

⁷ Irkeb ne beben, ‘Al Kurun, ga nena! Asande yitin gwahade po dufayge gama ire yen wayhem, ginmirin,’ yitin hi. *Tikin 40:6-8*

⁸ Yesube mehendeb, “Gebe al beben ge nin ten dapna gasa yirde, det galak girde, dapna kunga ten galak girde, kurab mata bulun hal hal nin galak girwon yen ma nurde hinhan. Gwaha gird gird nin amanen ma nurde hinhan,” yirin. Al Kurun galak ird ird mata gwahade gobe Moseyen

sabare yitiñ gega, Al Kurunbe goke ma nurde hinhin.

⁹ Irdeb Yesu belen basan henbe, “Al Kurun, ga nena! Nebe dufayge gama ire yen wayhem,” yirin ningeb, Yesube mere kame tiyyin gwahade po mata gergen forok ire yenbe mehende galak mata bikkek nin yirin gobe pel iryin.

¹⁰ Yesu Kristube gwaha mat wawun unjkurende gog po yingen Al Kurun galak iryin. Irkeb gore po nenbe Al Kurun dilinde wukken hitirin.

¹¹ Moseyen saba gama irde nankahalmin nankahalmin pris belen tumnan huwarde altare dapna gasa yirde Al Kurun galak irde mata bulun halde halde meten ten teban po ten hanjen. Gega dapna darim gore mata bulun epte ma halde sinja irtek hinhin.

¹² Goyenbe Yesube alyen mata bulun halde yunke goyare po hubu hiyyen yen nurdeb wawun unjkurende yingen Al Kurun galak irde kamyin. Irdeb Al Kurun hitte hurkun hanin yase belen keperde Doyan Al Kurun hirin.

¹³ Irdeb asogomin yago yawan kahan minde yufurka ten ten nalu nin doyan hen hi.

¹⁴ Yenbe wawun unjkurende yingen ten Al Kurun nin galak iryin geb, alya bereyamin goyen Al Kurun dilinde al wukken yirtin mar goyen huginen bulunmin kuram mon yiryin.

¹⁵ Holi Spirit wor goke mehende gaha yitiñ Al Kurunyen asande hi:

¹⁶ “Ne Doyan Al Kurun gareb gaha yen hime:

Kame nalu goyenter mel go hitte bin kurun tenbe gaha yinen:

Nebe dufaymiñ bana sabane kereñ, irde biñde kayeñ,” yitiñ hi. *Yeremaia 31:33*

¹⁷ Irde Holi Spirit gore sopte gaha yiriñ:

“Nebe mata buluñmiñ halde yuneñ.

Irdeb sopte mata buluñmiñ ge ma po nureñ,” gwaha yitiñ. *Yeremaia 31:34*

¹⁸ Niñgeb yitiñ gwahade po, mata buluñ halde pasi irtiñde gorbe sopte mata buluñ hal hal goke dapña gasa yirde Al Kuruñ niñ galak ird ird mata gobe ma po hiyeñ.

Yul ma yetek, sanjiñ po hetek

¹⁹ Niñgeb, kadne yago, Yesu belen neñ ge ten darimiñ wok irde kamiñ goke Gasuñ Himam Wor Po Al Kuruñ hire gor kafura ma heñ igiñ hurkutek hite.

²⁰ Yesu kamiñ gobe Gasuñ Himam Wor Po bana hurkuñ hurkuñ belen pet titiñ amil goyen erek yiriñ go gwahade goyen. Niñgeb neñ gayen Al Kurunya hugiñen hitek belen gergeñ wor po goyen kerd dunyiñ.

²¹ Irdeb al kura Al Kurunya ya balem goyen doyañ irde hi al gobe neñ hitte hi. Yeñbe pris buda gote kurumiñ fudinde wor po, megen gar niñ moñ.

²² Niñgeb neñbe bininiñde mat fudinde wor po yeñ ge hekkeñ nurdeb Al Kuruñ hitte kutek. Neñbe Yesuyen dari ten bininiñde utiriñ titiñ, irde fe wukkeñ belen mata buluñniñ haltiñ geb, bininiñde wukkeñ wor po nurde hite. Niñgeb Al Kuruñ hitte kuñ kuñ niñ kama ma heñ hitek.

²³ Irde neñ hitte biña tiyyiñ al gobe yiriñ gwahade po fudinde tiyyeñ geb, dufay budam ma

henbe yen ge hekken nurde hite yen hityen goyen tarej po tanarde hitek.

²⁴ Irde kadinin ge amanej nurd yunen yunenya mata igin tej tenya goke kurut yen hitek yen kadam tarej gird tej hitek.

²⁵ Irde al kura marbe gabu tej tej nin bada hen hanjen gega, nenbe gwaha ma tej hitek. Gabu tejbe kadam sanj gird tej hitek. Hanja gayenbe yen mulgan hen wan wan nalu binde hen hi geb, gabu hen kadam tarej gird tej tej mata gobe sanj po irtek.

²⁶ Munaj Al Kurunyen mere fudinde nurd nurd ga mata buluj tej tej nin bada ma hetekbe det hoyaj kura mayke kamke Al Kuruj galak irde mata buluj goyen haltek belnenbe hubu wor po.

²⁷ Al kura gwaha tinayin marbe Al Kuruj belen gote murungem kafuram wor po yunkeb kak belen Al Kuruj asogo irtin mar kumga yiryen goke po doyan henayin.

²⁸ Moseyen sabarebe al kura sabamin ma gama irtin al gobe al irawa ma karwo belen al gote mata buluj goke merere huwarde tagalkeb al goyen buninen ma irde mayke kamyen yitin geb, gwaha tej hanjen.

²⁹ Moseyen saba ulin goke wor al gwahade yirde hanjen. Nin geb al kura Al Kuruj Urmin harhok unen sukal irde hi al gobe daha iryen? Al gobe Al Kuruj binja kuruj tiyyin goyen Yesu belen gama irde dari wok irde kamyin gore po al wukken hirin gega, Yesu darim wok irde kamyin goyen tej kari kari irde hi irde Holi Spirit al buninen yirde igin igin yirde hiyen al goyen sukal

irde hi geb, gote muruᅅgem buluᅅ kafuram wor po goyen tiyyeᅅ.

³⁰ Goke teᅅbe Al Kuruᅅ beleᅅ Urmiᅅ gaha inyiᅅ: “Al kurate haniᅅ wol heᅅ heᅅ matabe nere geb, ne beleᅅ ga haniᅅ wol heweᅅ,” inyiᅅ. Irde sopte gaha yiriᅅ: “Doyaᅅ Al Kuruᅅ beleᅅ alya bereyamiᅅ goyen merem yaᅅ yiryeᅅ,” yiriᅅ. Neᅅbe gwaha yiriᅅ al goyen nurd uneᅅ hityeᅅ.

³¹ Al Kuruᅅ gwahader hitiᅅ beleᅅ gwaha yiriᅅ geb, yende bearar bana hitek gobe kafuram wor po yeᅅ nurde hime.

³² Niᅅgeb haᅅkapyā Al Kuruᅅyeᅅ mere fudinde hulsi yara go nurde dahade hinhan goke dufay henayiᅅ. Deᅅbe kanduk kurayen kurayen yeneᅅ hinhan gega, tareᅅ po heᅅ hinhan.

³³ Kurarebe dukuᅅ al buda kuruᅅ diliᅅ mar sukal dirde, muduneᅅ hinhan. Irde kurarebe al kura kanduk gwahade yeneᅅ hinhan maryā heᅅ yeᅅya tumᅅaᅅ kanduk bana hinhan.

³⁴ Deᅅbe al koyare heᅅ kanduk yeneᅅ hinhan mar goke bitiᅅ misiᅅ nurde faraᅅ yurde hinhan. Irde asogo dirde hinhan mar beleᅅ samuᅅtiᅅ goraᅅ dirde hinhan gega, samuᅅtiᅅ megen gar niᅅ moᅅ, hugiᅅeᅅ hinayiᅅ go miᅅyaᅅ yeᅅ nurde hinhan. Niᅅgeb megen niᅅ samuᅅtiᅅ goraᅅ dirtiᅅ goke ma nurde amaᅅ heᅅ hinhan.

³⁵ Niᅅgeb, kanduk dahade kura keneᅅ hinayiᅅ gega, Al Kuruᅅ niᅅ hekkeᅅ nurtiᅅ goyen tubul ma po tinayiᅅ. Gote muruᅅgembe igiᅅ wor po, irde kuruᅅ wor po.

³⁶ Niᅅgeb det igiᅅ goke doyaᅅ heᅅbe araᅅeᅅ yul yeᅅ bada ma henayiᅅ. Gogab Al Kuruᅅyeᅅ dufay

gama irde meten tenbe yen belen detmin dunen yen binja tiyyin goyen tenayin.

³⁷ Yenbe hen ga mon wayyen goke gahade katin:

“Al wayyen yitin al gobe wayyen.

Wan wan nalumin singir ma iryen.

³⁸ Delner al huwak gobe ne nin hekken nurde hinayin.

Gega al kura nubul tiyyen al gokeb amanen ma nurd unen,” yirin. *Habakuk 2:3-4*

³⁹ Ningeb nenbe dufayninin sorkok hen Al Kurun tubul ten kun bulun hetek mar mon. Gwahade yarabe yen ge hekken nurdeb yenya huginen hitek mar.

11

Al Kurun nin hekken nurtek

¹ Be, al kura Al Kurun nin hekken nurde han marbe Al Kurun belen det kura yunen yeke goke doyan henyabe fudinde wor po dunyen go yen nurde ga hanyen. Irde det kura dilinde ma yitin gega, Al Kurun belen goke yitin geb, det gobe fudinde hi yen dufay budam ma hen hanyen.

² Asinin yagobe Al Kurun nin hekken nurde hinhan. Irkeb goke Al Kurun belen dilinde igin wor po yenen hinhin.

³ Nenbe Al Kurun nin hekken nurde hite. Ningeb megenya nankinya irde det kurun gayen yen belen mohonde po yeke forok yamin goyen bebak ten hityen. Irde det kurun gabe det kura dilnininde yenen hite gare ma yiriyin yen nurde hityen.

⁴ Be, Abelbe Al Kurun niñ hekkeñ nurde hinhin. Niñgeb yeñ beleñ Al Kurun niñ galak iryiñ gobe igiñ wor po, itiñ Keinyen folek. Niñgeb Al Kurunbe det Abel beleñ galak iryiñ goke amaneyñ nurhem yiriñ. Irdeb Abel beleñ yeñ ge hekkeñ nurde hinhin goke al huwak inyiñ. Abelbe kamyiñ gega, yeñ beleñ Al Kurun niñ hekkeñ nurde hinhin mata gobe gayenter wor neñ beleñ gama irtek mata hi.

⁵ Be, Enokbe Al Kurun niñ hekkeñ nurde hinhin. Niñgeb diliñ gergeñ hikeya Al Kurun beleñ yiñgeñ hitte tukukeb bemel po bana kuriñ. Irkeb al kura uliñ hakwam go ma po kenamiñ. Al Kurun niñ hekkeñ nurde hinhin goke Al Kurun beleñ diliñde igiñ wor po kinyiñ.

⁶ Fudinde, al kura Al Kurun niñ hekkeñ ma nurde hi al gobe Al Kurun beleñ matamiñ goke amaneyñ ma nurde hi. Niñgeb Al Kurun hitte kuñ hañ marbe Al Kurunbe hi goyen fudinde yeñ nurde hinayiñ. Irde yeñ ge sari kerde nankeneyñ hañ mar gobe Al Kurun beleñ gote muruñgem igiñ yunyen goyen wor fudinde yeñ nurde ga hinayiñ.

⁷ Be, Noabe Al Kurun niñ hekkeñ nurde hinhin. Niñgeb kame mata forok yiyyeyñ goke Al Kurun beleñ inke nurdeb meremiñ po gama iryiñ. Irdeb hakwa kurun wor po kura irdeb diriñmiñmiñ goyen daha kannak yeñ hakwa bana goñ yiryiñ. Yeñ beleñ mata gwaha tiyyiñ goreb goyenter niñ alya bereyat mata buluñ kawan yikala yiryiñ. Irkeb Al Kurun niñ hekkeñ nurde hanyen mar Al Kurun beleñ al huwak yineñ hiyen gwahade po,

yeŋ wor al huwak inyinj.

⁸ Be, Abrahambe Al Kurunj niŋ hekken nurde hinhin. Niŋgeb Al Kurunj belen hoy irde naŋa kura kame yende hiyyenđe gor kwayinj inke kurinj. Yeŋbe naŋa gor yeŋ ma nurde hinhin gega, naŋaminj tubul tenj kurinj.

⁹ Abrahambe Al Kurunj niŋ hekken nurde hinhin. Niŋgeb naŋa kura Al Kurunj belen unen yeŋ biŋa tiyyinj naŋare gor kurinj gega, albak heŋ kuŋ hitinj yara hinhin. Naŋa gobe kame urminj Aisakya asem Yekopyat naŋa hiyyen gega, tumŋaŋ albak hitinj yara dapŋa sikken belen po ya irtinđe heŋ kuŋ hinhan.

¹⁰ Abrahambe megen gar niŋ taun niŋ ma nurde hinhin. Yeŋbe taun kura epte ma buluŋ heŋ hugiŋen hitek goyen goke po nurdeb naŋamde goyen albak yara heŋ kuŋ hinhin. Taun hugiŋen hitek gobe Al Kurunj belen po gwaha gwaha ireŋ yeŋ dufay heŋbe iryinj.

¹¹ Be, Abrahambe alik buluŋ wor po hirinj, irde berem Sara mananj dirinj kawanj kertek ma hirinj. Goyenbe Abraham go Al Kurunbe biŋa tiyyinj gwahade po forok irde nunyen yeŋ yeŋ ge hekken nurde hinhin. Niŋgeb Sara gob biŋ heŋ dirinj al dirinj kawanj kiryinj.

¹² Al go alik buluŋ wor po epte ma dirinj minyanj hetek gega, yeŋ hitte mat al budam wor po fuful tiyyinj. Al fuful tiyyinj goyenbe dinambeya makanj ferenđe niŋ sawsawa yara epte ma kapyanj hetek gwahade haminj.

¹³ Be, mel gabe tumŋaŋ Al Kurunj niŋ hekken nurde kuŋ kuŋbe kamaminj. Mel go megen

henyabe Al kurun belen detmin yunen yen bin tiyyin goyen ma yawaramin. Goyenbe det go kame kame gwahade forok yiyyen yen nurdeb goke aman hen hinhan. Irdeb, "Nenbe megen gar nin mon, albak yara hen belnen hite," yen hinhan.

¹⁴ Gwaha yen hinhan gobe, "Naninin fudin-debe hoyan hi," yen nurdeb gogo yen hinhan.

¹⁵ Munan mel gore megen nin nanamin yubul tiyamin goke dufay ug po hen hinhan manhan hakot po mulgan hen kuwon.

¹⁶ Gega gwaha ma tiyamin. Gwaha titnenbe mel gobe nana igin Al Kurun hiyende gor kunin yen goke po nurde hinhan. Irkeb Al Kurunbe mel goke nurde taun kura megen nin yara mon goyen yunen yen gitik iryin. Ningeb Al Kurunbe mel gore Al Kuruninin inen inen goke memya ma hen hiyen.

¹⁷ Be, Abrahambe Al Kurun nin hekken nurde hinhan. Ningeb Al Kurun belen tunan ure yen urmin Aisak nin inke meremin po gama irde urmin go Al Kurun nin galak iryin.

¹⁸ Bikken Al Kurun belen Abraham dilinde bin tenyabe, "Fonenge yago nin bin tihim gobe urge Aisak hitte mat forok yenayin," inyin.

¹⁹ Ningeb Abraham go Al Kurun belen gwahade bin tiyyin go bebak tenbe, "Al Kurunbe urne maymeke kamyen goyen igin sopte isan hiyyen," yen hekken nuryin. Irde urmin mayen tike Al Kurun belen bada hawa inyin. Ningeb mata goke tenbe, "Abrahambe urmin kamtin goyen Al Kurun belen isan hen tumulgan ten unyin," yen hanyen.

²⁰ Be, Aisak wor Al Kurunj ninj hekkej nurde hinhin. Ningeb urminj waranj Yekopya itinj Isoya hitte kame mata dahade forok yenayinj yen nuryinj gwahade po guram yirde saninj yiryinj.

²¹ Yekop wor Al Kurunj ninj hekkej nurde hinhin. Ningeb alik bulunj wor po hej kamenj tenj henjyabe Yosep urminj waranj hitte kame mata dahade forok yenayinj yen nuryinj gwahade po guram yirde tarenj yiryinj. Irdeb genunjinj hende tawunj hej huwarde henjyabe Al Kurunj dolonj iryinj.

²² Be, Yosepbe Al Kurunj ninj hekkej nurde hinhin. Ningeb yenj kamenj tenj henjyabe kame kame Israel mar goyen Isip nanja tubul tenj kunayinj goke tagalyinj. Irdeb Israel mar goyen kuninj yenjbe kinjkininj mananj yade goya kunj nanjamde gab mete tenj tenj ninj yinyinj.

²³ Be, Mose naninja milinjyabe Al Kurunj ninj hekkej nurde hinaryum. Ningeb urminj Mose kawanj hekeb dirinj malinjenj monj yara kenaryum. Irdeb Isip ninj doyanj al kurunj belej dirinj muknenj al dirinj kawanj hekeb gasa yirke kamnayinj yirinj goke kafura ma haryum. Irde Mose kawanj hirinde mat gagasi karwo gayen bana kerde hike kunj kunj kurunj hirinj.

²⁴ Be, go kamereb Isip ninj doyanj al kurunj Fero wirinj belej Mose tenj yende urminj yara irke kunj kunj kurunj hirinj. Goyenbe Mosebe Al Kurunj ninj hekkej nurde hinhin ningeb, kamebe Fero wirinj gote urminj hej hej goyen pel iryinj.

²⁵ Yenjbe Fero wirinj gote urminj hej denjem yanj hejbe beljenj megen ninj mata bulunj ninj

aman hetek hinhin. Gega pel irde Al Kurunyen alya bere belen kanduk yenen hinhan goyen yen wor mel goya hen tumnan kanduk yentek belnen goyen po gama irde hinhin.

²⁶ Yenbe gwaha ten hinhin gote murungembe kame Al Kurun belen kurun wor po nunyen yen nurde hiyen geb, Israel marya hen kanduk yenen yenen gobe det kurun, munan Isip nanare nin samun kusamun wor po yad yad gobe det dirnen yen nurde hinhin. Yen belen gwaha ten hinhin gobe Yesu Kristu nin ten gogo ten hinhin yen nurde unen hime.

²⁷ Mosebe Al Kurun nin hekken nurde hinhin. Nengeb Isip nin doyan al kurun belen yen ge bin ar yirin goke kafura ma hen Isip tubul ten kurin. Yenbe Al Kurun banare hitin goyen kinyin geb tareng po hinhin.

²⁸ Be, Mosebe Al Kurun nin hekken nurde hinhin. Nengeb Pasoba dula mata ten sipsip gasa yirde dari yade yame kantayan sam yirde yukunayin yinke gwaha tiyamin. Irkeb Al Kurunyen miyon, alya dapnayat dirin matalin gasa yirke kamtek gore wanbe dari yamere go yenenbe fole yirde kukeb Israel marte dirin matalinbe ma kamamin.

²⁹ Be, Israel marbe Al Kurun nin hekken nurde hinhan. Nengeb makan ala kura Makan Bukken inen hanjen goyen Al Kurun belen pota irke kahalte megen fudin forok yirin. Irkeb goyan kun kurhan forok yamin. Goyenbe Isip marbe Israel mar belen tiyamin gwaha tini usi ten kukeb makan belen aw yurke tumnan kamamin.

³⁰ Be, Israel mar gobe Al Kurun niñ hekken nurde hinhan. Niñgeb naña fay 7 gayen nankahalmiñ nankahalmiñ Yeriko taun go milgu irde kuñ hinhan. Irkeb koya kurun hora karkuwan beñ po taun go milgu irtiñ gobe gilgalañ irde katamiñ.

³¹ Goyenbe belen niñ leplep bere kura deñembe Rahap gobe Al Kurun niñ hekken nuryiñ. Niñgeb Israel mar al irawa kura Yeriko taun go kawemde naña tulyañ kure yeñ kwaryum goyen Yeriko taunde niñ mar beñ gasa yirnak yeñ hoy yirde yamiñde bana yiryiñ. Irkeb Yeriko taunde niñ mar goyen Israel mar beñ kuñ tumñañ gasa yirde heñyabe Rahap muñ po gab tubul tiyamiñ.

³² Be, Al Kurun niñ hekken nurde hinhan mar hoyañ gote barañ sopte momoñ ma direñ. Gideon, Barak, Samson, Yepta, Dewit, Samuelyabe porofet yagoya gore mata teñ hinhan gote barañmiñ tagalenbe ulyañde kutek geb, gar po bada hewen.

³³ Mel gobe Al Kurun niñ hekken nurde hinhan. Niñgeb mel go kurabe megen niñ doyañ mar karkuwan yakira teñ yende gasuñde keperamiñ. Irde kuramiñbe mata huwak mat al doyañ yiramiñ. Irde kurabe Al Kurun beñ det igiñ yuney yeñ biña tiyyiñ goyen yawaramiñ. Irde kurabe laion kafuram wor po gote mohon fada yiramiñ.

³⁴ Irde kuramiñbe kak ala karkuwan bana yemeyamiñ gega go ma kamamiñ. Irde kurabe fulenare niñ bidila beñ gasa yirteke kamnan yamiñ gega, soñ hamiñ. Irde kurabe sañiñ miñmoñ gega, Al Kurun beñ tareñ yiryiñ.

Kurabe fulenare nin mar tareŋ minyan geb, naŋa hoyande nin fulenā mar gasa yirde yakira tiyamin.

³⁵ Bere kurabe dirinmin kamtin goyen sopte huwarke yenamin. Munan kurabe Al Kurun nin ten al hoyan beles bulun bulun yirke ulin misin kurun wor po katamin. Gega kame Al Kurun beles disan hiyyen go yen nurde kamde kamde nin kafura ma hen Al Kurun harhok ma unamin.

³⁶ Irde kurabe al hoyan beles giwgiw yirde yusulak tiyamin. Irde kura marbe kahanya haninya fere yirde yukun koyare yeramin.

³⁷ Mel gobe horare gasa yirke kamamin, irde he walde walde det beles kahal yon yurke kamamin, irde kurabe fulenare nin bidilare po gasa yirke kamamin. Mel gobe det nin amu wor po hen hinhan, irde kurabe ulin unā igin mon sipsipya memeyat sikken kerkek wor po goyen hor yirde hinhan. Mel gobe al buninen, det minmon wor po, irde al hoyan beles nanyan yirde bulun bulun yirde hinhan.

³⁸ Megen nin marbe al gwahade goyen goke igin ma nurde hinhan geb, mel go gor kura kun igin kepertek minmon hamin. Mel gobe gwaha yirkeb sawsawa po kurun naŋa bana hinhan. Munan kurabe duguyan kun horabok bana hinhan. Irde kurabe megen yameyan hen kun hinhan.

³⁹ Be, al buda kurun goke tagalhem mar gobe Al Kurun nin heken nurde hinhan. Ningeb Al Kurun beles nere alya bereya fudinde yen nurde yunin. Goyenbe mel gobe Al Kurun beles det yunen yen binā tiyin kurun goyen kura ma tamin.

40 Al Kurunbe mel go po moŋ, neŋ gayen wor yeŋ beleŋ biŋa tiyyiŋ gote igineŋ igiŋ wor po goyen yunmeke yeŋya neŋya tumŋaŋ buluŋ miŋmoŋ igiŋ wor po henayiŋ yeŋ nurdeb gogo araŋ ma yuniŋ.

12

Yesu po gama irde hitek

¹ Niŋgeb Al Kurun niŋ hekkeŋ nurd nurd mata dikala dirtiŋ mar gwahade gobe budam wor po nurd yuneŋ hite geb, Al Kurun niŋ hekkeŋ nurd nurd beleŋ pet dirtek detbe yade siŋa yirtek. Irde mata buluŋ, neŋ gayen buluŋ dirke kateŋ hityen goyen yubul po titek. Irde gab al kura kup yeŋ yeŋ karire heŋ kup yeŋ kuŋ pasi irde haŋyen yara, neŋ wor megen gar heŋya Al Kurunyen dufay gama ird ird beleŋ kerd duntiŋ goyen kuŋ kuŋ niŋ bada ma heŋ kurut wor po yeŋ hitek.

² Yesube Al Kurun niŋ hekkeŋ nurd nurd mata gote miŋ al, irde go mata goyen igiŋ wor po irtek al. Niŋgeb neŋbe Yesu yeŋ uŋkureŋ niŋ po dufay heŋ hitek. Hoyan hoyan niŋ ma nurtek. Yeŋbe kame Al Kurun beleŋ turuŋ iryen goyen nurde hinhin geb, kuruse hende kamde kamde niŋ memya ma heŋbe uliŋ misiŋ kateŋ kamyiŋ. Irdeb kamyiŋde mat huwardeb Al Kurun hitte hurkuriŋ. Hurkuŋbe Doyaŋ Al Kurun heŋ Al Kurunyen haniŋ yase beleŋ kipiryiŋ.

³ Irde mata buluŋ mar beleŋ buluŋ buluŋ irde hike goke mukku ma teŋ goya goya saŋiŋ po hinhin goke dufay henaŋ ko. Gogab deŋ wor Al

Kuruᅇ gama ird ird goyen yul ma yeᅇ bada ma henayiᅇ.

Al Kuruᅇbe huwak dire yeᅇbe kurareb kanduk yubul tike forok yeᅇ hanyen

⁴ Deᅇbe mata buluᅇ ma teᅇ hitek yeᅇ kurut wor po yeᅇ haᅇ. Goyenbe mata buluᅇ asogo irde haᅇ goke kura ma kamde haᅇ.

⁵ Irde Al Kuruᅇ beᅇeᅇ diriᅇne yago dinenbe tareᅇ heᅇ heᅇ ge faranᅇ durtiᅇ goyen bitiᅇ sir yeᅇ hi. Tareᅇ dirtek meremiᅇbe gahade:

“Diriᅇne, Doyanᅇ Al Kuruᅇ beᅇeᅇ saba girde hiyen goyen kari kari ma irayiᅇ.

Irde mata buluᅇge goke gineᅇ tikeb buluᅇeᅇ ma nurde hayiᅇ.

⁶ Doyanᅇ Al Kuruᅇbe alya bereya bubulkuᅇne wor po yeᅇ nurde yuneᅇ hi goyen saba yirde kukalde hiyen.

Irde Al Kuruᅇ beᅇeᅇ al kura nere yeᅇ nurde unenᅇ hi al gobe mata buluᅇ tike bebak tiyyi yeᅇbe gote muruᅇgem buluᅇ unenᅇ hiyen,”
yitiᅇ hi.

Mata Igiᅇ 3:11-12

⁷ Niᅇgeᅇ Doyanᅇ Al Kuruᅇ beᅇeᅇ saba dirde kukalde dunke goya busahard hard niᅇ ma nurde hinayiᅇ. Yeᅇbe al beᅇeᅇ diriᅇeᅇ weᅇ saba yirde hanyen gwahade goyen po, neᅇ gayen saba dirde hiyen. Al kura urmiᅇ saba ma irde hiyen kenem diriᅇ gobe urmiᅇ yende wor po moᅇ.

⁸ Diriᅇbe tumᅇaᅇ naniᅇ yago beᅇeᅇ saba yirde huwa yirde hanyen. Goyenbe adotiᅇ beᅇeᅇ deᅇ goyen saba dirde huwa ma dirde hinayiᅇbe deᅇbe yende diriᅇeᅇ weᅇ fudinde moᅇ.

⁹ Neŋbe nanniniŋ yago megen niŋ beleŋ saba dirde huwa dirde hanŋyen goyen goke palap yirde hityen. Niŋgeb det kawan hanŋya banare hanŋya gote miŋ al Al Kurunŋ gore neŋ gayen yeŋya hugiŋeŋ heŋ heŋ ge teŋ saba dirde huwa dirde hike dahade geb palap ma irtek? Epte moŋ, palap po irtek.

¹⁰ Nanniniŋ yagobe dufaymiŋde igiŋ yeŋ nurde hinhan beleŋ goyen gama irde neŋ gayen belŋeŋ po saba dirde kukalde duneŋ hinhan. Munanŋ Al Kurunŋbe neŋ gayen yiŋgeŋ yara diliŋde wukkeŋ wor po hewoŋ yeŋ saba dirde huwa dirde hiyen.

¹¹ Goyenbe saba dirde huwa dirde hikeb bininiŋde misiŋ nurde hityen geb, saba dird dird niŋbe amanŋeŋ ma nurde hityen. Gega bininiŋde misiŋ gwahade nurde gab keŋkela bebak teŋbe Al Kurunŋ diliŋde igiŋ mata huwak teŋ hitek. Irdeb bininiŋ kamke igiŋ po hitek.

Keŋkela heŋ hinan ko

¹² Niŋgeb Al Kurunŋyen mere tanartek tareŋ miŋmoŋ irde meremiŋ gama irde kutek saŋiŋ mananŋ hubu kenem gor po bada ma henayiŋ. Sopte tareŋ po heŋ gama irde kuŋ hinayiŋ.

¹³ Irde mata huwak teŋ teŋ beleŋtiŋ goyen sope yirde huwa yirde hinayiŋ. Gogab mata huwak teŋ teŋ tareŋ dirŋeŋ muŋ po hi goyen sopte kurunŋ heke igiŋ gama irde kuŋ hinayiŋ.

¹⁴ Niŋgeb gwahade hitek yeŋbe bitiŋ kamke al buda kurunŋ goya awalikde heŋ heŋ ge kurut wor po yeŋ hinayiŋ. Irde Al Kurunŋ diliŋde wukkeŋ heŋ heŋ ge kurut wor po yeŋ hinayiŋ. Al Kurunŋ

diliñde wukke ma hinayinbe epte ma Al Kurun kennayin geb, gago dinen hime.

¹⁵ Irde kuratin kura son heñbe Al Kurun belen buninon dirde igin igin dirde hi bana goyen ma hinak geb, kenkela heñ ga hinan ko. Irde he bulun kura* belen he hoyan igin goyen salaw yurde tukun hanjen gwahade yara, mongo den han bana al kura belen dufay bulun kerde wanbe dende dufay tumnan bulun yirnak geb, goke kenkela heñ ga hinan ko.

¹⁶ Aisakjen urmin matalin Iso gobe Al Kurun belen guram irde sanin wor po irwon. Goyenbe binje kamin goke ten Al Kurunen taren den nanin belen guram irde taren ird ird goyen goke ma nurdeb pel iryin. Nin geb denbe Iso belen mata tiyyin gwahade ma ten hinayin. Irde leplep mata ma ten hinayin.

¹⁷ Isobe kame bin bak yeke Al Kurunen saninde guram nirde taren niryen yen nanin gusunon iryin gega, nanin belen meremin ma nuryin goyen denbe nurde hanjen gogo. Yenbe esenya esenya nanin gusunon iryin gega, Al Kurun nin bin mulgan heñ mata bulun tubul titek nalube bikken hubu hirin geb, gogo son hirin.

Neñbe Al Kurunen Yerusalem bana hite

¹⁸ Be, asetin yagobe kun Sainai dugu kahan minde forok yamin. Gor forok yenbe kak melak kurun forok yeke kenamin. Irde kidoma taren wor po kukuwamnen belen dugu go aw urde men kurun forok yeke kenamin. Goyenbe den

* **12:15:** He gayenbe nendebe buwi he go gwahade.

wayañ dugu gabe bikken asetiñ yago belen Sainai dugu keneñ ufuramiñ gwahade moñ.

¹⁹ Asetiñ yagobe Sainai dugure gor bigul fuk irke nuramiñ, irde al melak kura sañiñ miñyan wor po nanñinde mat forok yeke nuramiñ. Irdeb kafura wor po heñbe, “Neñ gahade gare mere gwahade nurtek moñ. Niñgeb sopte goya mere ma dirwoñ yeñ nurde hite,” yamiñ.

²⁰ Mel gobe Al Kurun belen, “Al kura dugu gayen ufurnayiñbe hora belen gasa yirke kamnayiñ. Dapña wor gwahade po yirnayiñ,” yinyiñ goyen nurdeb kafura heñbe sopte nurtek ma yiryiñ.

²¹ Mel gore mata kenamiñ gobe kafuram wor po geb Mose wor, “Kafura heñ ulne barbar yeñ hi,” yiriñ.

²² Goyenpoga dugu den wayañde gab Sainai dugu gwahade moñ. Denbe Saion dugure wayañ. Dugu gobe megen niñ moñ, Al Kurun gwahader hitiñ gote taun. Taun gobe Al Kurunyen gasunde niñ Yerusalem. Denbe Al Kurunyen miyon budam wor po epte ma kapyañ hetek goyen gabu irtiñde wayañ.

²³ Gorbe Al Kurunyen dirneñ wen tumñañ gabu irtiñ hañ. Yende denembe Al Kurunyen gasunde gor hañ. Irde dende wor gor hañ. Irde al belen diriñmiñ mataliñ guram yirde tareñ yirde hanñen gwahade yara, Al Kurun belen den goyen guram dirde tareñ dirde hi. Yeñbe alya bereya tumñañ al iginya bulunya pota yirde gote murun gem yunen yunen al. Denbe Al Kurun gwaha teñ hiyen al goya al huwak Al Kurun belen bulunmiñ kuram

mon igin wor po yirtin gote tonenya gor gabu irtin han.

²⁴ Irdeb den wor Yesu hitte wayan. Yenbe alya bereya nin ten Al Kurun hitte kun Al Kurun belen bin gergen tiyyin goyen sanin irde gote iginen forok irdeb alya bereyat mata bulun halde halde nin tenbe darim wok irde kamiyin. Yesuyen dari gobe Abel mayke darim wok yirin go goya tunande mon. Abelyen daribe al go mayke kamke dari go kenenbe Al Kurun belen mayyin al goyen wol hirin geb, dari gobe wol hen hen de nin dari. Ningeb Yesuyen dari gobe Abelyen dari gote folek.

²⁵ Ningeb Al Kurun belen mere dirke pel irnak geb, kenkela hen hinar ko. Bikkenbe megen nin al nindiken yara Mose belen asetin yago Israel mar saba yirde hayhay yirke meremin pel iramin gote murungem bulun wor po tamin. Munan gayenterbe Al Kurun, Mose gote folek gore saba dirde hayhay dirke ga pel irnayinbe gote murungembe dahade tetek yen nurde han? Asetin yago belen tamin gote folek wor po tenayin geb.

²⁶ Al Kurun belen Sainai dugure katen mere tiyyin goya goyenbe megenya dugu kurun goya angor yiriyin. Goyenbe gayenter nin yen Al Kurun belen bin tenbe, "Kamebe sopte megen ga angor iren. Nan kin manan gwaha iren," yirin.

²⁷ Mere bilmin "Kame sopte angor yiren," yirin gote minbe kame wanbe det angor yirke korgon henayin goyen tumnan gwamun yuryen goke yirin. Korgon henayin det gobe megenya nan kinnya irde det kurun yingen yiriyin goyen goke yirin. Korgon ma henayin detbe huginen

hinayin.

²⁸⁻²⁹ Niṅgeb Al Kurun beḷen alya bereyamin doyan irde hire gobe ugala mun kura ma tiyyen geb, huginen kininen hiyen goke Al Kurun igin nurd untek. Irde Al Kurunbe kak yara geb, alyen mata bulun nin igin ma nurdeb kumba yirde hiyen geb, palap irde kafura irdeya dolon irde hitek.

13

Al hoyan nin amanen nurtek

¹ Niṅgeb denbe Yesuyen alya bereya hoyan kadtin hamin goyen dende dari wor po yara nurdeb yen ge amanen nurde yunen hinayin.

² Irdeb al tinen kura yenenbe gargar yird yird nin bitin sir ma yen hiyen. Al kura Al Kurunen miyon yen hitte wayamin gega, bebak ma tenya gargar yiramin geb, gago dinen hime.

³ Irde Yesu nin ten koyare han mar goke bitin sir ma yen hiyen. Mel goke dufay henyabe den wor yeny tumnan koyare hite yara nurde henya faran yurde hinayin. Irde al kura bulun bulun yirke kanduknen nurde han mar goyen yenenbe goke buninen yirde den wor yen misin nurde han gwahade yara nurdeya faran yurde hinayin.

⁴ Be, alya bereya ire unya hen hen mata gobe Al Kurun beḷen iryin geb, mata go palap irde bulun ma irde hinayin. Munan al kura berem yan gore bere hoyanya duwan ten ten mata ten han marya lelep mata hoyan kurayen kurayen ten han marya gobe kameb Al Kurun beḷen merem yan yiryen.

⁵ Irde hora niŋ ugun po ma dufay heŋ hinayiŋ. Al Kurun beley, “Nebe epte ma gakira tiyeŋ, irde epte ma gubul tiyeŋ,” yiriŋ geb, hora muŋ kura hibeŋ gago ep yeŋ nurde hinayiŋ.

⁶ Al Kurun beley gwaha yiriŋ geb, neŋbe yeŋ ge hekkeŋ nurdeb, “Doyaŋ Al Kurunbe faraŋ nurd nurd al geb, epte ma kafura heweŋ. Megen niŋ mar beley ne gayen epte ma buluŋ nirnaiŋ,” yeŋ nurde hitek.

⁷ Irde deŋ goyen Al Kurunyen mere saba dirde hinhan mar, dende doyaŋ mar goke bitiŋ sir ma yeŋ hiyeŋ. Irde Al Kurun niŋ hekkeŋ nurde mata teŋ heŋbe gote igineŋ forok yeŋ hike yeneŋ hinhan goke dufay heŋbe yeŋ mata teŋ hinhan gwahade po teŋ hinayiŋ.

⁸ Fudinde, Yesu Kristube bikkeŋ hinhin gwahade po, haŋka gayen hi. Irde kame manan hugiŋeŋ hiyeŋ.

⁹ Niŋgeb al kura saba hoyan tawaŋ bitiŋ yawarniŋ tike mali mali ma gama yirde hinayiŋ. Al Kurun diliŋdebe biŋge nen nen mata gore epte ma dufaytiŋ tareŋ iryeŋ. Al Kurun beley bunineŋ dirde igiŋ dird dird saba go keŋkela bebak tike gab dufaytiŋ tareŋ hiyyeŋ. Biŋge nen nen mata niŋ yitiŋ saba bikkek go gama irde hinhan marbe gote igineŋ kura ma po yawaramiŋ.

¹⁰ Neŋ hittebe Al Kurun galak ird ird alta kura hi. Goyenbe Israel marte pris megen niŋ gasuŋ himam Al Kurun doloŋ ird ird bana goŋ hurkuŋ meten teŋ haŋ mar gobe nende alta hende gor det Al Kurun galak irtiŋ goyen epte ma yade nenayiŋ.

¹¹ Yende saba bikkekdebe pris buda gote kurunmiŋbe alyen mata buluŋ halde yune yeŋ

dapña gasa yirde darim po ten Gasun Himam Wor Po bana gon hurkun hiyen. Munan gasonbe Israel mar tiyun ten hanjen sinare yukun kunga ten hiyen.

¹² Ningeb Yesu wor darimin wok irde kamke gore po alya bereyat mata bulun halde halde nin Yerusalem taun sinare ulin misin kurun katen kamin.

¹³ Ningeb nen wor Yesu nin ten bulun dirke yul ma yen sanin po hetek. Irde Yesu belen kurin goyen po gama irde hitek.

¹⁴ Nenbe megen gar nin taun kura huginen hiyen goke ma nankenen hite. Gwaha titnenbe kame forok yen huginen hiyen taunde hurkun hurkun nin nankenen hite.

¹⁵ Ningeb Yesuyen tarende Al Kurun huginen kasor irde hitek. Gobe Al Kurun galak ird ird mata geb, mohonnininde denje urde isoka irde hitek.

¹⁶ Irde al hoyan igin igin yirde, al kura det nin amu hen han mar faran yurd yurd nin bitin sir ma yen hinayin. Al Kurun belen matatin go kenenbe ne galak nirde han yen nurdeb amanen nurd dunyen.

¹⁷ Be, denbe den Yesuyen alya bereyat doyan marte mere nurde gama irde hinayin. Irde yende yufukde hen mata ten hinayin. Mel gobe den belen Al Kurunen mere kenkela gama irnayin yen Al Kurun belen meten yuntin geb, doyan dirde han. Ningeb meremin nurde gama irde hinayin. Gogab mel gobe meten ten hanjen goke bulunen ma nurde aman hen hinayin. Gwaha ma tinayinbe metemin gore faran ma duryen.

18 Irde neŋ ge Al Kurun gusunŋ irde hinayin. Neŋbe binininde mat wukken wor po nurde hite, irde mata huwak po ten hitek dirde hiyen.

19 Irdeb Al Kurun gusunŋ irde henyabe yen beŋ aranen nad nerke den hitte kun kun nin wor gusunŋ irde hinayin.

20 Be, Doyan Al Kurunnin Yesube neŋ sipsip yara gate doyan al kurun hirin. Yenbe Al Kurun beŋ binŋ tiyyin huginen hitin goyen tareŋ ire yen darim wok irde kamyin. Irkeb Al Kurun beŋ kamtinde mat isan hirin. Al Kurun gwahade gobe bin kamke igin hen hen gote min al.

21 Ningeb Al Kurun beŋbe den goyen sanin hen dufaymin gama irde mata igin tinayin yen det igin kurun gitik ten dunwon yen nurde hime. Irde yen beŋ mata amanen nurde hitek goyen neŋ bana forok yirde hikeb Yesu Kristuyen tarende mata ten hiwon yen nurde hime. Yesu Kristube huginen denem turunŋ yan hiyen. Fudinde wor po.

22 Be, kadne yago, asan gabe den tareŋ dire yen kayhem gega, ulyan ma kayhem. Ningeb saba dirhem gayen al kura kapyan hen dunke pinen ma nurde kenkela palŋa irnayin.

23 Kadninin Timoti koyare hinhin gobe gayamun ga po ga sinŋ iran goyen nurde ga hinayin. Timoti goyen hen ga mon ne hitte wakeb yenya tumnan den denye yen kuren.

24 Nebe Al Kurunyen alya bereya tumnan denya han marya doyan martinŋa goke dufay hen himyen goyen den beŋ mel go momon yirnayin. Itali nanare nin Yesuyen alya bereya wor den ge

dufay heŋ haŋ goyen momoŋ yirayiŋ ninhaŋ geb,
gago bebak dirhem.

²⁵ Al Kuruŋ beleŋ deŋ tumŋaŋ buniŋeŋ dirde
igiŋ igiŋ dirde hiwoŋ yeŋ gusuŋaŋ irde hime. Gog
po.

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 18 Mar 2025 from source files dated 31 Aug 2023

dbba218f-41f3-5f08-b0b6-2a7c919093ab